



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-133-4/24**
Datum: **23.04.2024. godina**

„Agencija za vodno područje rijeke Save“ Sarajevo rješavajući po zahtjevu pravnog lica „UNIS TOK“ d.o.o. Kalesija za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada pogona za proizvodnju čeličnih odbojno-vlačnih naprava i otkivki, izgrađene u industrijskoj zoni Kalesije, na osnovu člana 109. stav (1) tačka 2 i stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „UNIS TOK“ d.o.o. Kalesija daje se vodna dozvola za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada pogona za proizvodnju čeličnih odbojno-vlačnih naprava i otkivki, izgrađene u industrijskoj zoni Kalesije na parcelama k.č. broj: 1216/27; 1216/67; 1216/24; 1216/22; 1260/51; 1216/2, 1216/50; 1216/26; 1216/25 i 1216/21 K.O Prnjavor i 408/4 K.O. Kalesija Grad, Općina Kalesija.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije i izvršenog uviđaja na lokaciji objekta i pod sljedećim uslovima:
 - 3.1. Da pravno lice, „UNIS TOK“ d.o.o. Kalesija obezbijedi da se sistem za prikupljanje, prečišćavanje i ispuštanje otpadnih voda sa lokacije kompleksa za proizvodnju čeličnih odbojno-vlačnih naprava i otkivki u Kalesiji održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 - 3.3. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring, a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.4. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije „UNIS TOK“ d.o.o. Kalesija može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.5. Ukoliko Vlada kantona propiše dodatne (strožije) uvjete, od uvjeta definisanih u Uredbi o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.

- 3.6. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.7. Da se kod pranja koriste sredstva koja su prikladna okolinskim zahtjevima.
- 3.8. Skladištenje i pretakanje nafte i naftnih derivata vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
- 3.9. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.11. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.12. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.13. Osigurati priručna sredstva za brzu intervenciju u slučaju nekontrolisanog istjecanja opasnih supstanci, kako bi se spriječilo moguće onečišćenje voda i tla (piljevina, prikladni apsorbensi, odgovarajuće posude, uređaji za pretakanje i sl.).
- 3.14. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik predmetnog objekta „UNIS TOK“ d.o.o. Kalesija, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

Obrazloženje

Pravno lice „UNIS TOK“ d.o.o. Kalesija obratilo se ovoj Agenciji sa zahtjevom broj: 01-711/2024 od 21.03.2024 godine, za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada pogona za proizvodnju čeličnih odbojno-vlačnih naprava i otkivki, izgrađene u industrijskoj zoni Kalesije na parcelama k.č. broj: 1216/27; 1216/67; 1216/24; 1216/22; 1260/51; 1216/2, 1216/50; 1216/26; 1216/25 i 1216/21 K.O. Prnjavor i 408/4 K.O. Kalesija Grad, Općina Kalesija.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

A. Opšta dokumentacija

- Aktuelni izvod iz sudskog registra matični broj subjekta upis: 1-1629 od 19.02.2024 godine izdat od strane Općinski sud u Tuzli-ovjerena kopija
- Uvjerenje o poreznoj registraciji izdato 22.03.2012.godine, od strane Porezne uprave – Kantonalni ured Tuzla-ovjerena kopija,
- Ovjerena kopija uvjerenja o poreskoj registraciji, broj: 04/1-17-1-35-229-13/12 od 11.04.2012. godine, izdato od strane Uprave za indirektno- oporezivanje Banja Luka,
- Uvjerenje o posjedovanju odobrenja za građenje broj: 02/1-1-23.2.2679 od 16.09.2008 godine izdato od strane Službe za poduzetništvo i budžet, Općina Kalesija,
- Rješenje o odobrenju za građenje broj: 02/2-1-19-4-6183 od 15.12.2021 godine izdato od strane Službe za prostorno uređenje i imovinsko-pravne poslove, Općina Kalesija,
- Rješenje o odobrenju za upotrebu broj: 02/2-1-19-4-1169 od 08.08.2023 godine izdato od strane Službe za prostorno uređenje i imovinsko-pravne poslove, Općina Kalesija,
- Rješenje o odobrenju za upotrebu broj: 02/2-1-19-4-2806/22 od 17.01.2024 godine izdato od strane Službe za prostorno uređenje i imovinsko-pravne poslove, Općina Kalesija,
- Izjava broj: 01-1050/2024 od 22.04.2024 godine od strane „UNIS TOK“ d.o.o. Kalesija
- Odobrenje-saglasnost broj: OD-S/8-11-73/13 od 25.01.2013 godine izdata od strane JP „Vodovod i kanalizacija Kalesija“ d.o.o. Kalesija-u spisu UP-I/25-3-40-158-1/18,
- Rješenje o izmjeni rješenja o vodnoj dozvoli broj: UP-I/25-3-40-158-9/18 od 30.03.2021. godine izdato od strane Agencije za vodno područje rijeke Save, Sarajevo,
- Rješenje o vodnoj dozvoli broj: UP-I/25-3-40-158-7/18 od 27.08.2018. godine izdato od strane Agencije za vodno područje rijeke Save, Sarajevo,
- Dokaz o uplaćenju upravnoj pristojbi 70 KM-proslijeđen e-mailom,
- Rješenje o vodnoj dozvoli broj: 04/1-11-21-1929/23 od 01.06.2023 godine izdato od strane Ministarstva poljoprivrede, šumarstva i vodoprivrede Tuzlanskog kantona,
- Obavijest o okolinskoj dozvoli broj: 12/1-19-004575/24 od 22.02.2024 godine izdato od strane Ministarstva prostornog uređenja i zaštite okolice Tuzlanskog kantona,
- Ugovor o preuzimanju, skladištenju i zbrinjavanju opasnog otpada sklopljen sa pravnim licem „AIDA COMMERCE“ d.o.o. Sarajevo,
- Elaborat o ispitivanju o kvaliteta i kvantiteta otpadnih voda „UNIS TOK“ d.o.o. Kalesija sa programom praćenja stanja voda, april i august 2023 godine, urađen od strane „Institut za hemijsko inženjstvo“ d.o.o. Tuzla,
- Transportna dokumentacija za otpad – čišćenje separatora od 28.03.2023 godine i 07.03.2024 godine od strane „AIDA COMMERCE“ d.o.o. Sarajevo,
- Obavijest od 07.02.2024 godine proslijeđena e-mailom vezano za vodnu dozvolu,
- Zapisnik o inspekcijskom nadzoru od strane Federalnog vodnog inspektora dana 06.03.2024 godine,

B. Tehnička dokumentacija

- Glavni projekat vanjske hidroinstalacije za pogon proizvodne hale za proizvodnju čeličnih odbojno-vlačnih naprava i otkivaka urađen od strane „Zavoda za vodoprivredu“ d.d. Sarajevo, maj 2012 godine –uvid prilikom uviđaja,

- Tehnički elaborat za ispuštanje tehnoloških otpadnih voda iz pogona proizvodne hale u Kalesiji pravnog lica „UNIS TOK“ d.o.o. Kalesija urađen od strane „Zavoda za vodoprivredu“ d.d. Sarajevo, maj 2012 godine-uvид prilikom uviđaja,
- Dopuna Glavnog projekta izvedenog stanja vanjskih hidroinstalacija urađen od strane Javno preduzeće za vodoprivredne djelatnosti „Spreča“ d.d. Tuzla, juli 2021. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19, 41/20 i 63/22, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-133-2/23 od 19.04.2024. godine.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je sljedeće:

Lokacija poslovnog objekta pogoni za proizvodnju čeličnih odbojno-vlačnih naprava i otkivki izgrađeni su u industrijskoj zoni Kalesije, na zemljištu označenom kao k.č. broj: 1216/27; 1216/67; 1216/24; 1216/22; 1260/51; 1216/2, 1216/50; 1216/26; 1216/25 i 1216/21 K.O. Prnjavor i 408/4 K.O. Kalesija Grad, Općina Kalesija (kč navedene u izjavi podnosioca zahtjeva).

Snabdijevanje vodom predmetnog poslovnog objekta se vrši putem priključka na gradsku vodovodnu mrežu.

Na predmetnoj lokaciji se nalaze sljedeći objekti: Upravna zgrada sa pogonom za proizvodnju odbojno-vlačnih naprava i otkivaka, Skladište tehničkih plinova, Rashladni toranj, Plinska stanica, Magacin ulja i maziva, Kotlovnica (koja nije u funkciji a trenutno se u istoj vrši privremeno skladištenje opasnog otpada), Separator sa taložnikom i koalescentim filterom, Postojeća trafo stanica, Postojeći proizvodno-skladišni objekat koji nije u funkciji - stari CNC pogon, Novoizgrađeni proizvodno – skladišni objekat - novi CNC pogon, Pomoćni objekat za skladištenje repromaterijala, Kompresorska stanica, Pogon drvoprerade, Dograđeni pomoćni objekat – Aneks hale, Portirnica i drugi prateći sadržaji (manipulativne površine, parking, interne saobraćajne površine, plato za skladištenje špene i dr.).

Predmetni poslovni kompleks čine tri proizvodne jedinice koje rade neovisna jedna od druge i smještene su u posebne proizvodne hale sa pratećim objektima i to su: pogon za proizvodnju otkivaka i odbojno-vlačnih naprava, pogon za mašinsku obradu (CNC pogon) i brenta i pogon za obradu drveta.

U pogonu za proizvodnju otkivaka i odbojno-vlačnih naprava se vrši proizvodnja otkivaka koji se u auto industriji koriste za vanjske i unutrašnje košuljice ležajeva različitih veličina. Takođe se radi i željeznički program izrade prstenastih opruga i odbojno – vlačnih naprava.

U pogonu za mašinsku obradu vrši se obrada na CNC strugovima različitih metalnih dijelova kao što su vanjski i unutrašnji dijelovi za ležajeve, usadnike za plinske boce, diskovi i dr.

Poslovna jedinica dvoprerade se bavi proizvodnjom i prodajom građevinske stolarije. Proizvodi pogona drvoprerade su: prozori, sobna vrata, protivprovalna vrata, pločasti namještaj, PVC stolarija i Al bravarija. Gotovi proizvodi se lakiraju u lakirnici a za lakiranje koriste se eko lakovi na vodenoj bazi i poliuretanski dvokomponentni lakovi.

Tehnološke cjeline predmetne proizvodnje čine: skladište, prostor za pripremu, prostor za termičku obradu, prostor za kaljenje, laboratorije za ispitivanje sastava sirovine i kvaliteta, odjeljenje za atestiranje opruga, alatnica, prostor za pjeskarenje, prostor za mašinsku obradu, prostor za skladištenje obrađenih prstenova za ležajeve automobilske industrije.

Tehnološke otpadne vode nastaju od pranja prostora u proizvodnim pogonima. Mašine koje su sastavni dio proizvodnog procesa zahtijevaju upotrebu različitih ulja. Prilikom rada mašina i pretakanja ulja u mašine može doći do prosipanja ulja na pod.

Ove vode se odvođe i spajaju sa vodama sa manipulativnih površina i parkinga a potom dalje na separator sa taložnikom i koalescentnim filterom. Prečišćena otpadna voda se preko okna za monitoring ispušta u bezimni potok, lociran cca 200 m od predmetne lokacije.

U procesu proizvodnje se koristi voda za hlađenje koja se hladi na rashladnom tornju te vraća ponovo u proces – vrši se recirkulacija.

Na predmetnoj lokaciji se nalazi interna benzinska stanica koja se koristi za vlastite potrebe.

U procesu proizvodnje nastaje špena koja se privremeno skladišti na platou na otvorenom prostoru.

Podnosilac zahtjeva vrši redovan monitoring kvaliteta i kvantiteta otpadnih voda od strane ovlaštene laboratorije i vrši zbrinjavanje opasnog otpada koji nastaje na predmetnoj lokaciji od strane ovlaštene firme prema sklopljenom ugovoru.

Iz izvještaja o monitoringu kvaliteta i kvantiteta tehnoloških otpadnih voda „UNIS TOK“ d.o.o. Kalesija, april i august 2023 godine, urađen od strane „Institut za hemijsko inženjstvo“ d.o.o. Tuzla, utvrđeno je da rezultati ne prelaze granične vrijednosti definisane Uredbom o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 14., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „UNIS TOK“ d.o.o. Kalesija, ispunio minimum uslova za izdavanje vodne dozvole za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada pogona za proizvodnju čeličnih odbojno-vlačnih naprava i otkivki, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Behija Ahmedić, dipl.inž.tehn.

R Po ovlaštenju

Rukovodilac sektora za izdavanje vodnih akata

**Haris Ališehović, dipl.inž.grad.**

Dostaviti:

- „UNIS TOK“ d.o.o. Kalesija Senada Hodžića-Mehdina 34, Kalesija (Prilog: Tehnička dokumentacija navedena pod tačkom B obrazloženja Rješenja).
- ✓ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava